

Newspaper	Malaysia Hari Ini
Date	4/10/2012

Malaysia bakal hadapi risiko jika BN kalah

Malaysia Hari Ini - 4/10/2012

Oleh Razali Yahaya

KUALA LUMPUR: Malaysia berdepan pelbagai masalah jika rakyat mengambil risiko menukar kerajaan pada Pilihan Raya Umum Ke-13 (PRU13) akan datang, kata Tun Dr Mahathir Mohamad.

Mantan Perdana Menteri berkata, pembangkang sudah menunjukkan kegagalan di beberapa negeri dan tidak ada kesepakatan di antara mereka terutama berhubung pelaksanaan undang-undang Hudud.

"Karpal Singh dan Datuk Nik Aziz Nik Mat akan bergaduh sesama sendiri... Seorang kata potong tangan, seorang lagi kata jangan potong tangan.

"Selepas itu, Parlimen akan dipenuhi dengan hujah sebegini apabila pembangkang mengambil alih pemerintahan

'Karpal Singh dan Datuk Nik Aziz Nik Mat akan bergaduh sesama sendiri... Seorang kata potong tangan, seorang lagi kata jangan potong tangan. Selepas itu, Parlimen akan dipenuhi dengan hujah sebegini apabila pembangkang mengambil alih pemerintahan negara'

— Mahathir



negara," katanya dalam satu forum di sini, baru-baru ini.

Dr Mahathir turut melahirkan keyakinan peribadi beliau bahawa Barisan Nasional (BN) adalah parti yang boleh melakukan tugasnya dan akan kekal di Putrajaya serta memerintah negara ini selepas PRU13.

Bagaimanapun, beliau

berkata, BN perlu menang dengan majoriti yang kuat untuk memberi lebih tumpuan terhadap pelan pembangunan.

Tanpa majoriti yang kuat, kerajaan akan memberi lebih tumpuan terhadap survival yang akan menyebabkan kurangnya perhatian kepada pembangunan negara termasuk aktiviti ekonomi seperti

perniagaan, perdagangan dan industri.

"Kita memerlukan urus tadbir yang bijak. Kita mempunyai pilihan dan hak untuk memilih kerajaan bagi menentukan masa depan kita.

"Jika anda membuat pilihan yang salah, maka anda terpaksa menanggung akibatnya," katanya.